



## DESCRIPTION ET FIGURE DV SABBAT DES SORCIERS.

Il faut mettre cette Figure au Discours 4. du 2. Liure, entre les pages 118. & 119.



- A** Satan est dans vne Chaire doree en forme de Bouc, qui presse avec cinq cornes, ayant la cinquieme allumee pour allumer toutes les chandelles & feux du Sabbat.
- B** La Roine du Sabbat couronnee à dextre, & vne moins fauorie à senestre.
- C** Au deffous de sa chaire, est vne Sorciere qui luy presente vn enfant qu'elle seffeur.
- D** Voila les Conuities de l'assemblée, ayant chacune vn Demon ptes d'elle: Et en ce festin, ne se sert autre viande, que charoignes, chair de pendus, cœurs d'enfans non baptizez, & autres animaux immondes, du tout hors du commerce & vfrage des Chrestiens, le tout incipide & sans sel.
- E** En ce festin ne sont admis, ces spectateurs, qui sont plusieurs pères Sorcierres reietees aux recoings, & qui n'osent s'approcher des grandes ceremonies.
- F** Apres la pance vient la danse: car apres auoir esté repeus de viandes, ou fugitiues, ou illusoires, ou tres-pernicieuses & abominables; chaque Demon meine celle qui estoit pres de luy à table, au deffous de cet arbre maudit, & là le premier ayant le visage tourné vers le rond de la danse, & le second en dehors, & les autres ainsi ensuiuant tout de mesme, ils dansent, trepignent & tripudient, avec les plus indecens & sales mouuemens qu'ils peuvent.
- G** Ce sont les ioueurs d'instrumens, & le concert de Musique, au chant & harmonie de laquelle ils dansent & saurent.
- H** Au deffous se void vne troupe de femmes & filles qui dansent toutes le visage en dehors le rond de la danse.
- I** Voila la Chaudiere sur le feu pour faire toute sorte de poison, soit pour faire mourir & maleficier les hommes, soit pour gaster le bestail; l'vne tient les serpens & crapaux en main, & l'autre leur coupe la teste, & les escorche, puis les icette dans la chaudiere.
- K** Pendant cet entretien plusieurs Sorcierres arriuent au Sabbat sur des bastons & balais, d'autres sur des Boucs accompagees des enfans qu'elles ont enleue & suborné, lesquels elles viennent offrir à Satan: D'autres partant du Sabbat, & tranportees en l'air, s'en vont sur la mer ou ailleurs exciter des orages & tempestes.
- L** Ce sont les grands Seigneurs & Dames, & autres gens riches & puissans, qui traident les grands affaires du Sabbat, où ils paroissent voilez, & les femmes avec des masques, pour se tenir tousiours à couuert & incogneus.
- M** Pres de ce ruisseau sont les petits enfans, lesquels avec des verges & houssines blanches, esloignez des ceremonies, gardent chacun les troupeaux des crapaux de celles qui ont accoustumé les mener au Sabbat.

Outre ce, il y a plusieurs autres choses que la petiteffe de ceste figure n'a peu souffrir, qui se pourront entendre commodément par le Discours du Sabbat, qui est au Discours 4. du Liure second.